

元人文集 上卷

元
代
史料
叢刊
初編

黃山書社

道園學古錄卷之二十四

應制錄四

雍 震 集 伯生

碑銘

曹南王勲德碑

中書右丞相臣熊帖木兒等言 陛下入正大統道汴梁命
山東河北蒙古軍都萬戶府都萬戶野連迭兒以其兵從至
京師以功拜河南等處行中書省平章政章於法官一品當
贈三代官封也連迭兒曾大父撥徹大父也柳十父阿剌罕
嘗為大將戰功多又皆死王事軍中宜追封以第一等爵制
曰可有司以詔書議贈所當得官按地定封於是故贈定威
佐運功臣榮祿大夫司徒上柱國曹國公謚忠定撥徹加贈
定威佐運功臣光祿大夫司徒上柱國追封曹南王謚如故
故蒙古漢軍都元帥贈宣忠靖遠功臣光祿大夫中書右丞

相上柱國曹國公也柳干加贈宣惠靖遠佐運功臣金紫光祿大夫中書右丞相上柱國追封曹南王仍謚桓毅故光祿大夫中書左丞相贈協謀佐理功臣太師開府儀同三司上柱國曹國公謚武定阿剌罕加贈竭誠宣力定遠佐運功臣太師開府儀同三司上柱國追封曹南王改謚忠宣曾祖母塔拜祖母滅烈母脫端闕二倫皆先封曹國夫人改封曹南王夫人制下有勅國史臣集其以曹南王出家行事歲月著文于其神道之碑臣集受詔謹按撥徹蒙古扎剌兒台氏太祖皇帝初起朔方豪傑之士雲起響應而從之爲之腹心爪牙者必皆有深智遠識有勇而善謀是以東征西伐無不如志以成萬世之業者天爲之生材而聖神善用之故也撥徹自其幼年已在宿衛爲火而赤火而赤者服御弓矢常侍左右者也又爲博而赤博而赤者親烹飪以奉上飲食者也

蓋非篤慎強敏見知而親信任使者不得預是以屬軍所回無不在行數以徇戰掠地著功受賞

太宗皇帝即位仍以其職從征行隴北陝西之役攻城壁取郡縣率先戰士竟死之也柳干繼爲火兒赤博兒赤膺其父之職也以太宗之命事朵里吉太子爲番衛之長歲乙未閏也忽都禿太子出師伐金遂侵宋有旨出從戰戰有功拜萬戶方是時察罕以太祖所拔重臣爲大將位望崇甚而也柳干以天下馬步禁軍都元帥爲察罕之副總領諸翼蒙古漢軍馬統領屯戍大軍南面之征最爲重兵矣於是取陝西掠河東踐河南歲乙卯壽光壽大帥察罕歿憲宗皇帝命也柳干代之拜諸翼軍馬都元帥統大軍攻淮東西諸城歲戊午帥師至揚州數出戰遂以戰死阿剌罕以諸翼軍馬都元帥統其父之軍從

世祖皇帝南伐宋 憲宗崩 世祖北還即皇帝位從至末
黎伯顏等剽之地阿里不哥阿藍歹兒渾都海與兵爲亂不
受詔命討之阿剌罕以其所部蒙軍擊之北至昔門禿之
地逐追之至河西功成而還中統建元之歲賞功賜黃金五
十兩旦耳答衣九襲旦耳答者西域織文之最貴者也二年
濟南帥李壇以山東反大發兵討之阿剌罕總其衆次老倉
口以進戰明年濟南破璽誅山東平師還又明年賞功賜黃
金虎符一銀印一弓一矢百弓矢之服黃金飾其具馬鞍轡
一黃金塗銀飾其具以舊官將其軍至元初大軍伐宋五年
師圍襄陽力戰數有功諭賞賜白金五十兩金織文衣九襲
十一年取宋大軍渡江阿剌罕以其師取鄂州浙江陵下至
荊口所至郡縣降其軍慰撫其民人明年拜昭毅大將軍統
其師發建康道溧水溧陽祐獨松關抵杭州上方道與宋將

吳某等戰斬之斬首七千級又與宋將祝亮戰擒亮并其裨校七十二人斬首三千餘級又與宋兵戰斬首七千餘級又斬逐其援兵退走數十里宋將奉使吳某都統丁某總制趙某來逆戰敗之斬首三千級擒總制谷某又擒宋將張八其裨校斬首二千級六月即軍中拜中奉大夫行中書省參知政事是年宋亡明年伯顏丞相以宋主入覲九月阿剌罕帥師東渡浙取越明溫台衢婺處及閩中諸郡追宋宗室秀王某道數戰皆敗之降其運使趙某提刑趙某五百餘人至福州與宋軍轉戰四十餘里斬步帥觀察使李世達等於陣殲其軍獲秀王及其家屬將吏百八十餘人降其部曲淮卒三千人於是江南悉平十二月有詔以中奉大夫中書參知政事授金虎符行江東宣慰使郡縣新附民心未安威信未孚莫不悅服十四年入覲上嘉其功慰勞甚厚進拜資善大

大中書左丞仍還宣慰江東十六年六月進拜資德大夫中
書右丞仍留宣慰江東十八年入覲方是時海內悉已平定
舟車所至莫不服從而日本蕞爾海島之間彌固自保有司
以致討爲言 天子從之廼賜玉帶一金鞍一弓一矢百弓
矢之服具命爲中書左丞相行省事統蒙古諸翼軍馬四十
餘萬往征之師次明州且渡海矣歿焉旣歿而子也速迭兒
幼拜降也速迭兒之兄也襲世職爲萬戶總其軍後以功僉
書江淮行樞密院事進拜江浙行省右丞福建行省右丞河
南行省平章政事仍領其先世萬戶軍馬旣歿也速迭兒以
元貞元年世其職授昭勇大將軍左手蒙古軍萬戶佩金虎
符 武宗皇帝在位思勲舊將帥之家求其子孫之有功有
能者故於也速迭兒有加賚焉命玉工刻白玉爲也速迭兒
所署字使以畫文書發號令於所部使知其爲上所尊信者

皇慶改元賜白銀五十兩金織文衣二襲延祐三年覃恩加
昭毅大將軍至治改元賜白金五十兩金織文衣二襲泰定
二年進昭武大將軍皆以萬戶總其軍如故後二年

今上皇帝南還京師將有大正於天下道過汴梁令太保伯
顏公方鎮汴省八月庚子召也速迭兒帥其兵以行乙巳兵
大集士卒感激赴義車馬器械精備勇氣百倍丁未命爲本
省參知政事賜黃金五十兩王帶一鎧鉄鑲刀一師行庚戌
進爲本省平章政事仍兼山東河北蒙古軍都萬戶府都萬
戶賜銀印一金三珠虎符一黃金五十兩白金倍之二帶一
海東青鶻一至眞定賜名馬二至新樂驛賜書金五十兩甲
一襲至慶都賜碼碯盤杆一綉青絨袍一九月庚申爲同知
樞密院事仍兼都萬戶賜寶飾鎧鉄鎗一鎧鉄寶刀一壬申
皇帝即位大明穀建元天曆明日拜知樞密院事授以樞密

院印仍領其萬戶事甲戌充滿達兒自遼東引兵寇通州賜寶劔弓矢鞍轡令也速迭兒帥諸翼軍馬出禦之丙子王禪等之兵軍於北皇后店也速迭兒移兵合擊敗之己卯哈刺赤渾都帖木兒阿剌帖木兒之兵軍於昌平縣東白浮村帥師合擊敗之壬午昔寶赤大都之兵軍於昌平縣東北又帥師合擊敗之凡來寇之兵悉已敗衄總兵者或執或敗走北面悉平癸未太師右丞相會諸將於龍虎臺下奏凱於朝有勅命也速迭兒守居庸之北關壘石以爲固十月己亥拜榮祿大夫知樞密院事依前兼管都府事統領諸翼蒙古軍馬使出師禦寇兵之西入者師次廣平磁州之武安縣敗獲總兵者也先帖木兒等而西南諸郡以次告平庚子召還辛丑賜白金五十兩中統鈔五千貫金織文衣二襲十一月丁亥樞密院奉勅散諸軍行院官還京師明年二月以舊官復拜

山東河北蒙古軍都萬戶府都萬戶三月賜以只孫宴服只孫者貴臣見饗於天子則服之今所賜絳衣也貴大珠以飾其肩背膺間首服亦如之副以納赤思衣等七襲納赤思者縷皮傳金爲織文者也海東青鶻二五月上之上都也速迭兒仍帥其所統兵從八月賜白金五十兩金織文衣一襲十月癸卯皇帝若曰也速迭兒屬橐駝以備干城恪恭職事朕用嘉之其以爲河南行中書省平章政事代乞住移乞住他鎮十一月丙寅以所統兵置大都督府命兼山東河北蒙古軍大都督秩從二品刻銀印賜之己已有封贈之命嗚呼上之所以待功臣將帥寵錫榮耀不亦盛乎臣嘗聞之自昔國家所貴有勲舊之臣者以其君臣之契深宗社之事論逆順向背之道素定於見聞而愛敬之誠自有不能已者故其得備戎行氣決志憤以能成功也

世祖皇帝既定海內以蒙古一軍留鎮河上與民雜耕橫置
中原故將委忠信於國人備非常於他日其所以爲子孫計
者深且遠矣 今上皇帝以天縱之資麻達昧之文舊名義
以致討風逆應天人而歸履大位因歷數之所在也若曹南
王家自開基以來已入備禁衛出死行陣者三世矣今平章
以其世守之舊兵奉中興之大業以致真王之封食所居之
邑聲振大藩受軍民之寄福祿方未艾也嗚呼偉哉敦再拜
稽首而爲之銘詩曰

昔在大祖受命自天聖子神孫師武用宣

世祖赫二一是萬國帝臣孔多貴有世績忠定之興承國肇
基迺執干戈廼秦日非豈不寧方來先後奔走盡瘁殞身以昌
厥後有胡桓毅益信以崇帝討王誅無往不從金氣旣衰宋
亦就滅兼弱攻昧我帥我督截彼淮浦其流湯二蹠血以終

厲我國殤克繼父祖忠宣之武天錫之功 世皇是輔肅々
南征絕江擣城左肅振旅馳追不庭 世皇御天於鑠如日
式園不遺聲教迺訖于時出師有專有分江漢之間忠宣所
軍蒙衝載兵溯江薄海列郡風靡有順無悔旋指江東進師
合攻閔柵兒嬉孰當吾鋒斬將連營覆卒盈野迺會元戎于
城之下變々孱羸解墜入朝掠其餘疆曾不崇朝既定甌越
成功來告命以相臣持節東道治以歲成位以序升入覲
天子龍光是承天子曰嘻蠡彼海裔尔相于佐帥士以濟臨
涯揚舲海若弭靈天不憖遺亟殞將星忠宣所統國人之勇
留戍羅絡齊魯梁宋鼓旗聞々武帳在中旣世其官又世其
功今我 聖皇中興以正錫鑒在塗萬騎前乘誰其將之不
二之臣彼壘于郊摧之爲塵 聖皇賞功寶玉鷹馬還長其
鎮爲國名虎額二爾軍何以表之爾建大府都督之旗爾家

于曾有桑有土昔公今王三世之祐豐碑烈功備書三王咨爾多士勸忠勿忘

高昌王世勲之碑

至順二年九月某日某甲子

皇帝若曰予有世臣帖睦兒補化自其先舉全國以歸我太祖皇帝寔贊興運動在盟府名著屬籍世績令德以勵相我國家至帖睦兒補化佐朕理天下爲丞相爲御史大夫文武忠孝厥績懋焉昔其父墓永昌大夫往上塚其伐石樹碑而命國史著文而刻焉臣某頓首受 詔退而考諸高昌王世家蓋畏吾而之地有和林山二水出焉曰禿忽剌曰薛靈哥一夕有天光降于樹在兩河之間國人即而候之樹生癭若人妊身然自是光恒見者越九月又十日而癭裂得嬰兒五收養之其最穉者曰卜古可罕旣壯遂能有其民人土田

而爲之君長傳三十餘君是爲玉倫的斤數與唐人相攻戰
久之乃議和親以息民而罷兵於是唐以金蓮公主妻的斤
之子葛勵的斤居和林別力跋力答言婦所居山也又有山
曰天哥里干答哈言天靈山也南有石山曰胡力答哈言福
山也唐使與相地者至其國曰和林之盛強以有此山蓋壞
其山以弱之乃告諸的斤曰旣爲婚姻將有求於爾其與之
乎福山之石於上國無所用而唐人願見遂與之石大不能
動唐人使烈而焚之沃以醇醪碎石而輦去國中烏獸爲之
悲號後七日玉倫的斤薨自是國多災異民弗安居傳位者
數亡乃遷居交州今火州也統別失八里之地北至阿木河
南接酒泉東至兀敦田石哈西臨西蕃凡居是者百七十餘
載而我

太祖皇帝龍飛於朔漠當是時巴而木阿而忒的斤亦都護

在位亦都護者其國王號也知天命之有歸舉國入朝
太祖嘉之妻以公主曰也立安敦待以子道列諸第五與者
必那顏征罕勉力鎖澤回回等國將部曲萬人以先啓行紀
律嚴明所向克捷又從太祖征你沙卜里征河西皆有大大
功薨次子玉古倫赤的斤嗣爲亦都護玉古倫赤的斤薨子
馬木刺的斤嗣爲亦都護將探馬赤軍萬人從

憲宗皇帝伐宋合州攻釣魚山有功還軍火州薨至元三年
世祖皇帝命其子火赤哈兒的斤嗣爲亦都護海都帖木迭
兒之亂畏吾而之民遭難解散於是有旨命亦都護收而撫
之其民人在宗王近戚之境者悉遣還其部始克安輯十二
年都哇卜思巴等率兵十一萬圍火州揚言曰問只吉奧魯
只諸王以三十萬之衆猶不能抗我而自潰爾敢以孤城嬰
吾鋒乎亦都護曰吾聞忠臣不事二王且吾生以此城爲家

死以此城爲墓終不能得從城受圍六月不解都哇系矢以書射城中曰我亦太祖皇帝諸孫何以不歸我且爾祖尚王矣爾能以女歸我我則休兵不能則亟攻爾其民相與言曰城中食且盡力已困都哇攻不止則淪胥而亡亦都護曰吾豈惜一女而不以救民命乎然吾終不能與之相面也以其女也立亦黑迷失別吉厚載以茵引繩墜諸城下而與之都哇解去其後入朝上嘉其功錫以重賞妻以公主曰巴巴哈兒定宗皇帝之女也又賜寶鈔十一萬定以賑其民還鎮火州屯於南哈密力之地兵力尚寡北方軍猝至大戰力盡遂死之子紐林的斤力幼詣闕請兵北征以復父讎上壯其志賜金幣鉅萬妻以公主曰不魯罕太宗皇帝之孫女也主薨又尚其妹曰八卜叉公主有旨師出河西俟與北征大軍齊發遂留永昌焉會吐蕃耽思麻作亂詔以榮祿大